

ეკონომიკური კონკურენციის თეორიისა და პრაქტიკის საკითხები

რეზიუმე

რეზა ლორთქიფანიძე
სტუ-ს მოწვეული პროფესორი

ავტორის მიერ შესრულებული კვლევის შედეგად გამოვლინდა, რომ სრულყოფილი კონკურენციის კლასიკური გაგების მთავარი ნიშან-თვისება - „კონკურენტთა რაოდენობის უსასრულოდ მზარდი მნიშვნელობა“ არ შეესაბამება აბსოლუტურ ჭეშმარიტებას, ვინაიდან, ფიზიკის დენის ძალის კანონის ანალოგიით განსაზღვრული კონკურენციის ძალა ოპტიმალურ მნიშვნელობას, შესაძლოა, სხვადასხვა სიტუაციაში კონკურენტთა სხვადასხვა რაოდენობით აღწევდეს. შესაბამისად, ავტორი ვილაშქრებს ე.წ. „ჭიანჭველების“ ბაზრის წინააღმდეგ და გთავაზობთ სრულყოფილების განსაზღვრას ეფექტიანობის კრიტერიუმის შესაბამისად.

გამომდინარე, კონკურენტული მენეჯმენტის ავტორისეული მოდელი საკუთარი უნარების დამატებით სტიმულირებას გულისხმობს და, ქსელური დელეგირების მექანიზმების გამოყენებით, გადაუდებელი სტრატეგიული საკითხების დღის წესრიგში გთავაზობთ მაღალმთიანი რეგიონების უმწვავესი დემოგრაფიული პრობლემების ოპერატიულ მოგვარებას, სახელმწიფოს ეკონომიკური პოლიტიკის აქტიური ჩართულობით.

ძირითადი ტექსტი

ახლახან გამოქვეყნდა ჩემი მონოგრაფია საერთაშორისო ეკონომიკური კონკურენციისა და კონკურენტული მართვის შესახებ¹, რაც, ვფიქრობთ, გარკვეულ სამსახურს გაუწევს ეკონომიკისა და მართვის საკითხებით დაინტერესებულ მკითხველს.

მენეჯერული ხარჯების ოპტიმიზებისათვის, ჩემთვის სამაგალითო კვლევების [1-9] განზოგადებისა და საკუთარი გამოცდილების შედეგად, გამოვლინდა, რომ სრულყოფილი კონკურენციის კლასიკური გაგების მთავარი ნიშან-თვისება -

„კონკურენტთა რაოდენობის უსასრულოდ მზარდი მნიშვნელობა“ არ შეესაბამება აბსოლუტურ ჭეშმარიტებას, ვინაიდან, ფიზიკის დენის ძალის კანონის ანალოგიით ჩემს მიერ განსაზღვრული კონკურენციის ძალა ოპტიმალურ მნიშვნელობას, შესაძლოა, სხვადასხვა სიტუაციაში კონკურენტთა სხვადასხვა რაოდენობით აღწევდეს. შესაბამისად, ჩვენ ვილაშქრებთ ე.წ. „ჭიანჭველების“ ბაზრის წინააღმდეგ და გთავაზობთ სრულყოფილების განსაზღვრას ეფექტიანობის კრიტერიუმის შესაბამისად.

გამომდინარე, კონკურენტული მენეჯმენტის ჩვენეული მოდელი საკუთარი უნარების დამატებით სტიმულირებას გულისხმობს და, ქსელური დელეგირების მექანიზმების გამოყენებით, გადაუდებელი სტრატეგიული საკითხების დღის წესრიგში გთავაზობთ მაღალმთიანი რეგიონების უმწვავესი დემოგრაფიული პრობლემების ოპერატიულ მოგვარებას, სახელმწიფოს ეკონომიკური პოლიტიკის აქტიური ჩართულობით.

ვფიქრობთ, აუცილებელია კონკურენციის შესახებ კანონმდებლობის შემდგომი სრულყოფაც და სააგენტოს საშტატო შემადგენლობის ოპერატიული რაციონალური გაფართოება. დაუშვებლად მიმაჩნია, ბაზრის კონცენტრაციის შესახებ იმპერატიული უნიფიცირებული ნორმების არსებობა კანონმდებლობაში - რატომ, მაგალითისათვის 40% და არა 30 ან 50. ასეთი ნორმები, მიზანშეწონილია, კანონქვემდებარე ნორმატიულ აქტებში დიფერენცირებული იყოს დარგობრივ და რეგიონალურ ჭრილებში, ამასთანავე, ყოველწლიური და ყოველკვარტალური შედეგების გათვალისწინებით.

ჩემს მიერ, ფიზიკის ომის კანონის მსგავსად, ეკონომიკური კონკურენციის ძალის განსაზღვრა თუ გვეხმარებოდა, რომ ბაზრის ბირთვში მიმდინარე კონკურენტული მოვლენები შეფასებულიყო, ჩემი ახალი რეკომენდა-

¹ ლორთქიფანიძე რ. საერთაშორისო ეკონომიკური კონკურენციისა და კონკურენტული მართვის თეორია. - თბ., ეკონომისტ ა. გუნიას სახელობის საქველმოქმედო აკადემია, 2019: 450.

ცია კონკურენციის საშუალოშეწონილი შეფასების შესახებ, საშუალებას მოგვცემს, ბაზარი, კონკურენტულობის თვალსაზრისით, მაქსიმალურად სრულად - მეტად სრულყოფილად (სისტემურად) შევაფასოთ. ამ ახალი შეფასების მეთოდის საფუძველზე, სხვადასხვა კონკრეტულის განზოგადების მაგალითზე, გამოვლინდა, რომ ჩინეთის ბაზარზე კონკურენტების მნიშვნელოვანი მეტობის მიუხედავად, აშშ-სა და შვეიცარიაში კონკურენციის დონე დაახლოებით 350-360%-ით მეტია და ინვესტორის ინტერესი ჩინურ ბაზრებზე, გამოწვეულია იაფი რესურსფაქტორების მიზეზებით, რაც საბოლოო ჯამში დაბალანსდება და გრძელვადიან სტრატეგიაში, როგორც ჩვენი გაანგარიშებები ადასტურებს, უპირატესობა მიენიჭება უფრო მაღალტექნოლოგიურ ამერიკულ და ევროპულ ბაზრებს.

ჩემი კვლევის უახლესი შედეგების მიხედვით, კონკურენციის დონე შეიძლება განისაზღვროს შემდეგი ფორმულით:

კონკურენციის დონე = ბაზრის ეფექტიანობა / კომპანიების საშუალოშეწონილი ხვედრიწონა

აუცილებლობად მიმაჩნია, რომ ბაზრის კონკურენტუნარიანობა პირველ რიგში განისაზღვროს ბაზრის ეფექტიანობის მაჩვენებლებით, მათ შორის პროდუქტიულობის (მაგალითად, შრომის მწარმოებლურობა, კაპიტალუპყობა და სხვადასხვა რესურსის გამოყენების ინტენსივობა) და რენტაბელობის (საკუთარი კაპიტალის, აქტივების და ინვესტირებული კაპიტალის მომგებიანობა და ა.შ.) სახით.

ბაზარზე შეიძლება ძალიან ბევრი კონკურენტი ოპერირებდეს, მაგრამ ბაზარი არაეფექტიანი

იყოს. ეს არ ნიშნავს, რომ რაოდენობრივი მაჩვენებლები იგნორირებული უნდა იყოს - ისინი, შესაძლებელია, დამატებით გამოვიყენოთ მეტად კომპლექსური - სრულყოფილი შეფასებისათვის.

ზემოაღნიშნული კომპანიების საშუალოშეწონილი ხვედრიწონა დამოუკიდებლად შეიძლება გამოვიყენოთ ბაზრის კონკურენციის შეფასებისათვის:

კომპანიების საშუალოშეწონილი ხვედრიწონა = $\sum_{i=1}^n (შიV_i) / V$,

სადაც n არის ბაზარზე არსებული კომპანიების რაოდენობა;

$ში$ - i კომპანიის საბაზრო წონა პროცენტებში;

V_i - i კომპანიის მოცულობა დოლარებში;

V - ბაზრის სრული ტევადობა დოლარებში.

მაგალითად, თუ ერთგვაროვანი ბაზრის მოცულობა 200 მილიარდ დოლარს შეადგენს და 3 კომპანია წარმოდგენილია 40; 60 და 100 მილიარდი დოლარით, კომპანიების საშუალოშეწონილი წონა 38% იქნება ($(20\% \times 40 + 30\% \times 60 + 100\% \times 50) / 200 = 38\%$).

ბუნებრივია, სამივე კომპანიის საშუალოა - ითმეტიკული წონა იქნება $100/3 = 33.3\%$, მაგრამ 38%, ვფიქრობ, დამეთანხმებით, უფრო ზუსტად ასახავს რეალურ სიტუაციას.

თუ აღნიშნული 200 მილიარდიანი ბაზარი, წარმოდგენილი იქნება 3 კომპანიით - შესაბამისად, 198; 1 და 1 მილიარდი დოლარით, მათი საშუალოშეწონილი იქნება $98,015\%$ ($198 \times 99\% + 1 \times 0,5\% + 1 \times 0,5\%$), რაც, ვფიქრობ, 33,3%-ზე უკეთ და პერფინდალ-ჰირშმანის ინდექსზე უფრო თვალსაჩინოდ ასახავს, რომ ბაზარი მნიშვნელოვნად კონცენტრირებულია რეალური საბაზრო ძალის მქონე კომპანიის გარშემო.

გამოყენებული ლიტერატურა:

1. სატრანსპორტო ნაკადების მართვისა და დაგეგმარების კომპიუტერული ტექნოლოგიები : [სახელმძღვ.] / არჩილ ფრანგიშვილი, ზურაბ გასიტაშვილი, ინგა აბულაძე ; [ა. ფრანგიშვილის რედ.] ; საქართველოს ტექნიკური უნივერსიტეტი. თბ. : [ტექნ. უნ-ტი], 2007.
2. მარკეტინგის საფუძვლები : (ლექციების კურსი მაგისტრანტებისა და დოქტორანტებისთვის) / ლურჯკაია კ. ი., ქუთათელაძე რ., გოგოლაძე მ. შ. [და სხვ.] ; რედაქტორი ე. ბარათაშვილი; საქართველოს ტექნიკური უნივერსიტეტი, ბიზნესტექნოლოგიების ფაკულტეტი, ბიზნეს ადმინისტრირების დეპარტამენტი. თბილისი, 2017.
3. ვახტანგ დათაშვილი, ტექნოკრატია და გლობალიზაცია : [თეორია, მეთოდოლოგია,

პრაქტიკა / მეცნ. რედ.: კარლო ღურუკაია]. თბ. : ტექნ. უნ-ტი : ევროპ. უნ-ტი, 2006.

4. Jamieson, Kathleen Hall. Taussig, Doron. 2017–18. Disruption, Demonization, Deliverance, and Norm Destruction: The Rhetorical Signature of Donald J. Trump. PSQ, Volume 132 - Number 4 – Winter: 618-649.
5. Rodric, Dani. 2018. “What Do Trade Agreements Really Do?” Journal of Economic Perspectives 32 (2): 73-90.
6. Shertzer, Allison. 2018. “A Review Essay on Howard Bodenhorn’s The Color Factor: The Economics of African-American Well-Being in the Nineteenth-Century South”. Journal of Economic Literature 56 (1): 206-216.
7. Smith, Adam. 1776. “An inquiry into the nature and causes of the wealth of nations”. Complete, fully searchable text at the Library of Economics and Liberty.
8. <http://www.econlib.org/library/Smith/smWN.html>
9. Snower, Dennis J., and Steven J. Bosworth. 2016. “Identity-Driven Cooperation versus Competition.” American Economic Review, 106 (5): 420-24.
10. The US: Department of Justice <http://www.justice.gov/atr/public/guidelines/hhi.html> <https://www.justice.gov/atr/file/761131/download> <https://www.justice.gov/sites/default/files/atr/legacy/2014/04/10/305027.pdf>

Issues of Competition Theory and Practice

Revaz Lordkipanidze

Summary

By the author of the study revealed that the classical notion of perfect competition, the main feature - “infinitely growing number of competitors” do not correspond to the truth, because the force of competition, which is estimated by me with the analogy of physics law about electrical current, possibly, will achieve different optimal values in different situations with competitors various amounts. Accordingly, the author expresses a thought against the “ants” market and offers perfection in accordance with efficiency criteria.

Hence, the author’s model of competitive management implies an additional stimulation of own skills and, by using mechanisms of networking delegation management, on the agenda of urgent strategic issues, offers an operational solution of the demographic problems of the mountainous regions with active participation of the economic policies of the state